

## **Dutnje gii háliidat diehtit mii du birra lea čállojuvvon IPLOS-registaris**

Go don ozat dahje vuostáiválddát dearvvasvuoda- ja fuolahusbálvalusaid suohkanis, de lea hui mávssolaš, ahte sii geat galget veahkehit dihtet doarvái du dárbbuid birra. Dušše dan vuogi mielde sáhtta suohkan fállat buriid bálvalusaid.

Muhttin dieđut, maid suohkan bivdá dus, registrerejuvvojit sierra standárda mielde du journálie ja sáddejuvvojit guovddáš IPLOS-registarii. IPLOS-registar lea našunála dearvvasvuodaregistar, mii standardiserejuvvon vuogi mielde čilge veahkkedárbbu sidjiide, geat ohcet dahje ožžot suohkanlaš dearvvasvuoda- ja fuolahusbálvalusaid, ja makkár bálvalusaid suohkan addá.

Dus lea riekti diehtit ahte suohkan addá dakkár dieđuid dan registarii. Dus lea maid riekti diehtit makkár dieđut du birra leat sáddejuvvon dohko. Jus dieđut leat boastut, de lea dus riekti rievdadit daid. Dus lea maid riekti diehtit sihkarvuodadoaimmain go hálddašit dieđuid registarii.

Du namma ja du čujuhus ii gávdno registaris. Du riegádannummára sadjái lea soaitehat nummár biddjon, vai earát eai galgga sáhttit gávdat dieđuid du birra ja du identitehta.

Jus háliidat diehtit mii du birra lea registrerejuvvon, de fertet du dáhtut deavdit dieđuid mat leat duogábealde.

Go jo registrar ii dovdda du identitehta, de leat ráhkaduvvon rutiinnat, mat sihkarastet ahte du identitehta bissu amasin IPLOS-registaris, maidái jus dáhtut oaidnit dan.

Skovi sáddet sutnje gii addá bálvalusaid dahje sutnje gii lea juolludan dutnje bálvalusa du suohkanis dahje gávpotoasis.

Váhnemat dahje máná fuolaheaddjit sáhttet gáibidit oaidnit registara, su ovddas gii ii leat válddalaš.

Gihpa "Dieđut dearvvasvuoda- ja fuollabálvalusaid birra Gieldda divššohas- ja geavaheaddjiregistaris, IPLOS:s KPR:i" IS-144. addá eambo dieđuid IPLOS-registara birra". Dan oaččut suohkanis.

Sáhtát lohkat eambo iežat rievtti birra oaidnit registaris IPLOS-láhkaásahusas ja dearvvašvuodaregistarlágas. Daid sáhtát gávdnat čuovvovaš neahttasiidduin: [www.lovdata.no](http://www.lovdata.no) Jus dus leat gažaldagat, de sáhtát váldit oktavuoda Dearvvašvuodadirektoráhtain, tlf 810 20 050 dahje [iplos@helsedir.no](mailto:iplos@helsedir.no)

**DÁT SKOVVI SÁDDEJUVVO/ADDOJUVVO DU SUOHKANII / GÁVPOTOASSÁI**

*VUOSTÁIVÁLDI SUOHKANIS / GÁVPOTOASIS GALGÁ LEAT SON GII LEA JUOLLUDAN  
DUTNJE BÁLVALUSA DAHJE GII ADDÁ BÁLVALUSA*

**IPLOS-REGISTARA  
O Aidnin**

Mun dáhtun dákko bokte oaidnit daid dieđuid mat leat registrerejuvvon mu birra IPLOS-  
registarii.

NAMMA:

---

RIEGÁDANNUMMÁR:

---

ČUJUHUŠ:

---

BOASTANUMMÁR:

---

BOASTABÁIKI:

---

---

Báiki, dáhton

Vuolláičála